



08 FEB, 2025

Pengawal keselamatan jadi hero

Kosmo, Malaysia



Page 1 of 2



MUHAMMAD SOLEHHIN melihat ke arah lokasi sebuah helikopter yang terbalik lalu terbakar di Bentong Fruits Farm Hots Spring Campsite, Jalan Kuala Lumpur Batu 9, Bentong semalam. – NORFARHIZA MOHD. ATAR

- **Redah api keluarkan juruterbang dari dalam kokpit**
- **Kutip cebisan otak, kepala jurutera selepas dilibas kipas**

Oleh **NORFARHIZA MOHD. ATAR**

BENTONG – Seorang pengawal keselamatan layak digelar hero apabila tidak mengendahkan keselamatan dirinya ketika berusaha menyelamatkan juruterbang di dalam helikopter yang terbakar selepas terbalik kelmarin.

Menceritakan detik cemas itu, Muhammad Solehhin Zainal Arifin, 38, berkata, ketika itu dia hanya nekad menarik keluar juruterbang di bahagian kokpit ke tempat selamat walaupun api sedang marak membakar pesawat berkenaan.

»BERSAMBUNG DI MUKA 2




08 FEB, 2025

Pengawal keselamatan jadi hero

Kosmo, Malaysia



Page 2 of 2



Pengawal keselamatan jadi hero

DARI MUKA 1

Katanya, kejadian pada pukul 10.20 pagi itu berlaku ketika dia bersama seorang rakan, Danial Naim Muaz-zim Khairudin, 19, berada di pos keselamatan Bentong Fruits Farm Hots Spring Campsite, Jalan Kuala Lumpur Batu 9 di sini.

"Kejadian itu kira-kira 20 me-ter dari pos pengawal. Ketika itu saya lihat helikopter melepaskan tali pengangkut barang dan per-lahan-lahan turun untuk mengisi minyak.

"Pada masa sama, saya lihat mendiang Finsen menunggu di bawa dan memegang tong mi-nyak untuk membantu mengisi bahan api. Bagaimanapun, ketika

hampir menjejak tanah, helikop-ter itu hilang kawalan ke kiri dan kanan sebelum terbalik dan ter-bakar," katanya.

Semalam Kosmo! melapor-kan kejadian kira-kira pukul 10.20 pagi itu mengakibatkan jurutera warga Indonesia, Finsen Reskey Sembiring, 27, maut akibat ter-kena libasan bilah kipas helikop-ter pengangkut jenis Bell 206L-4 Long Ranger yang hilang kawalan ketika mendarat untuk mengisi minyak.

Juruterbang dikenali sebagai Kustiyadi, 44, yang juga wargane-gara Indonesia hanya mengalami cedera ringan.

Sebelum kejadian, helikopter itu berlepas dari tapak projek



Tenaga Nasional Berhad iaitu 16 kilometer dari lokasi.

Menurut Muhammad So-lehlin, ketika itulah dia melihat

kepala jurutera itu terkena bilah kipas lalu terpelanting sejauh lima meter.

Tambahnya, seakan me-ngetahui mendiang sudah tiada, dia kemudian berlari ke bahagian kokpit untuk membantu menge-luarkan juruterbang.

"Mujur pintunya terbuka dan memudahkan kerja saya, namun pada masa sama saya berdoa agar pesawat tidak meletup," katanya.

Ujar Muhammad Solehlin, juruterbang yang hampir se-dar kemudian memintanya me-nyelamatkan Finsen, namun dia tidak mampu berbuat apa-apa.

"Banyak kali dia ulang minta selamatkan Finsen tetapi api begitu marak. Alat pemadam

pula berada di bawah pesawat sebelum saya kemudian hubungi pasukan keselamatan," katanya.

Menurut Muhammad Solehlin, tidak lama kemudian, penyelia dan beberapa pekerja tiba untuk memadamkan api sementara me-nanti pasukan keselamatan.

Tambahnya, apabila api pa-dam, dia membantu mengutip serpihan otak dan tempurung kepala Finsen untuk diserahkan kepada pihak berkuasa.

"Sepatutnya saya balik pukul 8 pagi, tetapi entah kenapa rasa tidak sedap hati rupanya kejadi-an itu hendak berlaku. Mendiang seorang yang baik dan peramah walaupun baru sebulan menge-nalinya," katanya.